



Sidonius uir insigniter doctus, Moguntie Christi-
 stum prædicauit, & Ecclesiam in uera fide ibi-
 dem instituit, eo nimirum tempore cum Iustinia-
 nus & Belisario duce in Italia cum Gothis bellum
 gessit, & Childbertus Francorum regnum admi-
 nistravit, anno Christi circiter 540. Vnde Fortuna-
 tus eum libro nono mirum in modum extollit, ita
 scribens:

Reddita ne doleas felix Moguntia casus
 Antistes redijt qui tibi ferret opem,
 Porriget ecce manum genitor Sidonius urbi
 Quo renouante loco prisca ruina perit.

Item:

Te uigili custode lupus non diripit agnos
 Te pascente gregem, non ouis ulla perit.
 Te doctrina probum, prouidentia sacra modestum
 Fecit, & eloquio, uincere mella tuo.

Hinc certè credibile eundem Sidonium ex ruinis reparasse ecclesiam Mo-
 guntiaë, quam antea Hunni, duce Atila flagello Dei, penitus destruxerant, &
 cum alijs Germaniæ locis quasi solo æquarant. Hist. Eccles. Cent. 6. cap. 10.